



ORANJESTAD(AAN) — Si evalua aña 1998 riba kico ta e cosnan cu a sosode cu a impacta comunidad, mester bisa cu e extradicion di Randy Habibe, Alex y Eric Mansur ta algo cu promer biaha den historia cu yuunan di tera ta worde extradita.

Manera ta conoci Merca a manda pidi extradicion di Beto Arends, David Cybul, Randy Habibe, Eric y Alex Mansur.

Aña pasa Beto Arends a viaha bay Curaçao acompaña cu su abogado pa atende un caso aya. Na su yegada autoridad di Curaçao a detene y a mustre cu tin un peticion pa su extradi-

cion. Despues di varios luna encarcela, un grupo di abogado entre otro mr. H. Lejuez di Aruba a logra haya su libertad bao di cierto condicionnan.

Dia 3 di October 1997 riba orden di Procurador General a detene y encarcela Randy Habibe ya cu U.S. Department of Justice, Criminal Division a pidi su extradicion. Esaki tabata posibel a base di un tratado cu Hulanda a firma cu Merca y esaki tin validez pa Antiyas y Aruba.

Randy Habibe a keda encarcela y tabata worde hiba Corte di Husticia bao vigilancia estricto y bisti cu

jacket contra bala pa trata su caso.

David Cybul y Beto Arends a bira malo y nan tabata hospitalisa mientras cu Eric y Alex Mansur mester a atene nan mes na e condicion stipula pa Corte Superior cu ta encera cu nan mester notifica tur dia unda nan ta, mester a entrega pasaporte tambe y deposita un suma considerabel.

Na comienso di e aña aki, tratamiento di e casonan di extradicion a tuma lugar, caminda dianan largo a cubri e casonan aki.

Na Februari Gobernador, despues di a haya conseho di Corte Superior a aproba extradicion di Randy Habibe, Eric y Alex Mansur, David Cybul y Beto Arends.

Abogadonan di tur a sigui apela caso y finalmente David Cybul y Beto Arends no a worde extradita a base di motibonan humanitario. Tres yiu di tera a worde extradita y te awe ainda nan caso no a tuma lugar.

Promer biaha den historia

YIUNAN DI TERA A WORDE EXTRADITA

Te awe ainda nan caso no a tuma lugar



pero un Hulandes Europeo si.

Tambe por a constata un desarojo masha straño caminda henter e procedura di extradicion tabata bao guia di Hulanda pero ora a entama caso contra Hulanda, Corte ta haya cu Hulanda no ta responsabel sino gobierno di Aruba.

Loke tin di remarca di henter e asunto di extradicion aki ta, pakico ta manda yuunan di tera afor pa haya castigo pa algo cu nan lo a haci contra leynan di Merca y despues cu nan haya nan castigo nan por bin sinta esaki na Aruba caminda Corte Superior lo transforma e castigo di Merca segun e reglanan di Hulanda. Lo no tabata mucho mas mihor trata e caso aki mes y lo a evita tur e proceso aki? A extradita tres yiu di tera pero ningun hende sa ki dia e caso ta tuma lugar. Pakico a haci asina tanto cos pa extradita nan mas pronto posibel?

Hopi comentario por a scucha riba e casonan aki entre otro cu tin discriminacion den e derechonan di un Hulandes Europeo cu un Arubiano, caminda un Arubiano no por apela su caso na Corte di Casacion

DIARIO

PARABIENTEN

CU BOSO 18 AÑA